

Sakspapir

Saksnr	Utvalg	Type	Dato
095/22	Kommunestyret	PS	15.12.2022

Sakshandsamar	Arkiv	ArkivsakID
Bjørnar Fjellhaug	FE-033	22/8

Høyringsvar selskapsorganisering av NGIR

Vedlegg

Sak 10.22 Selskapsorganisering av NGIR

Høyring ny selskapsstruktur i NGIR - ny frist 31.12.2022

Framlegg til vedtak:

Austrheim kommune har ingen merknader til ny selskapsstruktur av NGIR.

Kommunestyret - 095/22 - 15.12.2022

KS - behandling:

Ordfører Per Lerøy (Ap) orienterte om saka.

Lerøy viste til vedtaket frå Fedje kommunestyre, dei hadde gjort slikt vedtak i denne saka: "*Vedtak om NGIR: Kommunestyret gir si støtte til at NGIR organiserer næringsavfall i eit eige AS. Kommunestyret er negativ til organisering av NGIR i til saman tre aksjeselskap, kor Hushald og Drift er tenkt som to eigne AS. NGIR IKS er eit relativt oversiktleg selskap, med avgrensa verksemd og få tilsette. Kommunestyret vurderer det slik at organiseringa i tre selskap under NGIR IKS, vert kompliserande og kan vere fordyrande på sjølvkostområde, utan at tenesta isolert sett vert forbetra.*" Kommunestyret i Austrheim støtta kommunedirektøren sitt framlegg til vedtak, ingen støtta ein tekst som den Fedje kommunestyre hadde vedtatt.

Handsaming i kommunestyret:

Kommunedirektøren sitt framlegg til vedtak vart samrøystes vedteke.

KS - vedtak:

Austrheim kommune har ingen merknader til ny selskapsstruktur av NGIR.

Saksopplysninger:

Bakgrunn

Representantskapsmøte gjorde i sak 10/22, 13. juni 2022 følgende vedtak:

Representantskapet i NGIR vedtok i sitt møte 25.10.21 i sak 14/21 følgende: «Styret legg i løpet av 2022 fram eit forslag til modell for ny selskapsorganisering av NGIR.»

Vedtaket vart gjort med bakgrunn i behovet for å leggja forholda til rette for NGIR når det gjeld framtidig regelverk for konkurranse på like vilkår. Samstundes vil ny organisering kunne leggja til rette for at NGIR framleis kan vera ein viktig samarbeidspart for næringslivet og kommunane i NGIRområdet, og vera ein bidragsytar i utviklinga av den sirkulære økonomien i Noreg.

Det er utarbeid eit forslag til modell for ny selskapsorganisering av NGIR, som styret nå legg fram for representantskapet for innspel. Modellen er drøfta med dei tillitsvalte, som stilte seg positiv til modellen. Advokat Trine Lise Fromreide har gjort ei juridisk vurdering som fylgjer vedlagt. Denne konkluderer med at modellen er juridisk mogleg å innføra.

Styret handsama saka i april og gav sin tilslutnad til modellen som er foreslått og vedtok å leggja saka fram for representantskapet for innspel. Når alle innspel er handsama vil saka bli lagt fram for endeleg vedtak i styret i august og i representantskapet i oktober.

Austrheim kommune fekk saka oversendt i e-post, datert 14.06.22 med følgende moglegheit: Etter vedtak i NGIR sitt representantskap 13.06.22, sendast sak 10/22 til eigarkommunane for moglegheit til å koma med innspel til saka, innan 25. september 2022. Fristen er i seinare korrespondanse utvida til 31.12.22, med beskjed om endeleg handsaming i representantskapet våren 2023.

I KS møte 15.09. orienterte NGIR, ved dagleg leiar Bjørn Berg og økonomidirektør Ove-Christian Fredriksen om framlegg til ny modell for ny selskapsstruktur. Presentasjonen låg ved møteboka. Det var ingen spørsmål frå kommunestyret til denne delen av orienteringa.

Høyringsdokumenta er vedlagt saka.

Vurdering

Saka er godt belyst i oversendt utgreiing og av selskapet si leing, i møte m.a. i regionrådet og orientering i Kommunestyret 15.09.2022. Ny modell er drøfta med tillitsvalde i selskapet. Kommunedirektøren har i utgangspunktet ingen merknader til korleis dei no ynskjer å endre organisering. På generelt grunnlag gjer ein vidare merksam på at det moglegvis er rett å stille spørsmål ved om ikkje tilhøve der organiseringa går over til tre selskap under eit IKS, kan framstå som mogleg kompliserande og kan vere fordyrande på sjølvkostområdet. Kommunedirektøren legg til grunn at dette er tilhøve som er vurdert nærare i selskapet og at føremonene ved omorganisering overstig dei negative følgjene.

Konklusjon

Austrheim kommune har ingen merknader til ny selskapsstruktur av NGIR utover det som kjem fram i

vurderinga.

Kommunedirektøren sitt framlegg til vedtak:

Austrheim kommune har ingen merknader til ny selskapsstruktur av NGIR.